

佛祖統紀卷第二十一

昆五

宋景定四明東潮沙門

志磐

撰

諸師雜傳第七

淨覺仁岳法師

四

世二吳興子昉法師

錢塘可久法師

錢塘惠勤法師

晉川慧梵法師

世五

晉川瑩珂法師

永嘉乃仁法師

超果靈照法師

樞密使胡宿

神智從義法師

世二慧月了睿法師

四

已

草菴道因法師

世二梓菴有倫法師

廣壽法因法師

永樂北藏

佛祖統紀

第一九九冊

四明道時法師

儒士述菴薛澄

雜傳之作將以錄諸師之未醇正者故淨覺以背宗錄神智以破祖錄草菴以失緒錄或曰法智之世先後爲異說者有之矣豈當盡以雜傳處之乎然照圖之於四明無師資世系之相攝後人槩以山外指之亦足惑之矣至若法智子孫時爲逆路之說者未若淨覺神智之爲甚也彼祝之而不類我且指二人爲首云祝見神智反法師仁岳晉川姜氏自號潛夫問法智南湖之化往依爲學至水月橋擲笠水中曰吾所學不成不復遇此橋法智器之居以東厦白

晝焚香專事紬繹解書至悉投帳間未嘗啓
視因出境分衛乘舟水行偃卧舒足豁然自
得若拓虛空檣爲之折每請益函丈擲大屨
開大輪衆望風畏之時昭師畧光明玄不用
觀心師輔四明撰問疑書以徵之四明製妙
宗并消伏三用潤師作指瑕以爲難師遽止
疑抉膜以正之四明誠別理隨緣齊師作指
濫以爲非師作十難以扶之所以贊四明爲
有力後復與十同志修請觀音三昧因疾有
閒宴坐靜室恍如夢覺自謂向之所學皆非
乃述三身壽量解以難妙宗道既不合遂還
浙陽靈山蒙慈雲攝以法齊四明乃加十三

料簡以斥之師復上十諫雪謗往復不已詳見本紀會昭慶有請慈雲爲詩以送之學徒從
往者半雲弗之止既遷石壁復徙靈芝時法
智已歸寂師臨衆自詫曰只因難殺四明師
誰向靈芝敢開口有仁行人自永嘉請居淨
社一住十年大弘法化以年老還鄉雪守請
主祥符觀察使劉從廣爲奏命服樞密使胡
宿爲請淨覺之號晚年專修淨業然三指以
供佛持律至嚴不以事易節創隱淪堂休室
以爲燕居治平元年春謂門人曰我翌日午
刻當行果留偈安坐而亡時三月二十五日
也塔全身于何山之西隅嗣法者梵慈乃仁

輩皆能表表模範一世師於楞嚴用意尤至
會諸說爲會解十卷熏聞記五卷釋自造
楞嚴文句三卷張五重玄義則有楞嚴說題
明修證深旨則有楞嚴懺儀復於咒章調節
聲曲以爲誦演之法所著金剛般若疏二卷
發軔鈔五卷釋自造彌陀經疏二卷指歸記
二卷釋自造文心解二卷釋不雜錄名義
十二卷義學雜編六卷如意輪課法涅槃禮
讚文羅漢禮讚文南山禮讚文施食須知毘
曇七賢七聖圖起信梨邪生法圖各一卷禪
門樞要淨名精英大論節大菩提講外集
憲案記諸子雜言史髓

記曰何山更爲禪居而塔地轉爲菜園厥
後寺衆有夢師謂塔處濯漑非便求遷之
及開龕色身不壞舍利盈滿遂具禮易葬
焉此與東山神照遷塔事極相類皆於當
時藏全身而特示靈瑞於二百年之後也
異哉

論曰天台家謂學華嚴唯識者爲它宗蓋
指其不受時教規矩之說耳淨覺初爲山
家之學甚厲爲止疑扶腹十門析離以排
四師甚力一旦師資小不合而遽爲壽昌
之異說甚至於十諫雪謗抗辯不已前轡
之而後畔之其爲過也與學它宗者何異

焉父作之子述之既曰背宗何必嗣法置之雜傳亦足爲懲然此亦是護宗綱辦法齊爲之說耳若鑒之以佛眼則聖賢弘道互有抑揚豈當定其優劣如調達波旬皆以大權示現邪見詎可以俗情裁量之邪是知議淨覺者當以此意亮之

法師于昉與吳人賜號普照早依淨覺嵩明敬據禪經作定祖圖以付法藏斥爲可焚師作祖說以救之又三年嵩知禪經有不通輒云傳寫有誤師復作止訛以折之其畧有曰契嵩立二十八祖妄據禪經焚惑天下斥付法藏爲謬書此由唐智炬作寶林傳因禪經

有九人其第八名達摩多羅第九名般若密多羅故智炬見達摩兩字語音相近遂改爲達磨而增菩提二字移居於般若多羅之後又取它處二名婆舍斯多不如密多以繼二十四人總之爲二十八祖妄陳於前嵩謬附於後漬亂正教瑕玷禪宗余嘗面折之而嵩

莫知媿又據僧祐三藏記傳律祖承五十三人最後名達摩多羅而智炬取爲梁朝達磨殊不知僧祐所記乃載小乘弘律之人炬嵩既尊禪爲大乘何得反用小乘律人爲之祖邪況禪經且無二十八祖之名與三藏記並明聲聞小乘禪耳炬嵩既無教眼纔見禪字

認爲已宗是則反販梁朝達磨但傳小乘禪
法厚誣先聖其過非小

法師可久錢塘錢氏天聖初覃恩得度學教
觀于淨覺無出世志喜爲古律詩蘇軾監郡
日常與師及惠勤清順爲詩友所居西湖祥
符蕭然一室清介守貧未嘗有憂色試來守

是五

四

錢塘當元夕九曲觀燈去從者獨行入師室
了無燈火但聞瞻旬餘香歎仰留詩有不把
琉璃閑照佛世知無盡本非燈之句蒲宗孟
集錢塘古今詩求桑於師師曰隨得隨去未
始留也聞者高之晚年杜門送客不踰國障
穀安坐觀練熏修如此十餘年意外唯紅蕉

數本翠竹百箇淡如也一日謂人曰吾死焦
竹亦死擇瑛公亦死未幾皆驗人嗟異之

法師靈照蘭溪盧氏幼失怙恃白兄求出家
兄取三藤示之曰使此藤繁汝俱碎可從汝
意師欣然入林取藤成束置前曰果客入道
用此擘我俱碎無恨兄不能奪遂入寶慧寺
誓去枕席香燈禮誦未替月誦通法華光明
弱冠投試有司嘉之獎以別榜旣具戒卽往
錢塘依香巖湛師學教觀數歲復往吳興依
淨覺一家戶屬無不通達初主吳山解空繼
遷景德熙寧中徙雲間超果自元豐以來於
每歲春首結淨業社七日期時預者二萬人

永樂北藏

佛祖統紀

第一九九冊

念佛獲驗不可紀錄嘗夢三聖儀相前跪作
禮曰靈照一生誦大乘經期生安養爲果願
否觀音指曰淨土不遠有願卽生又誦經深
夜忽夢普賢示身遂發心造其像誦經萬部
以嚴淨報元豐五年冬臥疾謂侍者曰吾安
養之期已至遂北首面西累足而化闍維異

五

五

香巖人舍利流迸結塔院東南隅

胡宿字武平常州晉陵人學問文章當世推
重治平三年由樞密副使出鎮杭州每來謁
岳師諮詢妙道躬執弟子禮師安坐不少遷
法師從義溫之平陽人姓葉氏十七通誦法
華得度學扶宗主大雲五峯寶積嘗患它宗

但任胸臆於所著補注集解處處辨明如論
賢首妄判華嚴議慈恩專用唯識辨祖承無
二十八祖判道家當攝入儒宗辭理切直爲
世所信並詳見諸宗立教志晚居秀之壽聖大振宗教
元祐六年春示疾就榻吉祥右脇而逝瘞舍
利于錢唐寶藏謚曰神智憲使劉焄記行業
雲端介清白不妄遊從寤寐三觀耽味著述
過午不食非法不言非右脇不臥非濾水不
飲行步有常坐立如植未嘗求公卿之知可
謂賢也已矣所著大部補注十四卷願正記
三卷釋玄新記七卷釋玄往生記四卷釋玄
經圖通記三卷二門不纂要六卷解集解三

卷釋四萬言四卷釋金淨名略記十卷搜玄

三卷義出

論曰神智之從扶宗視四明爲曾祖而於有所立義極力詆排之去乃翁已五十年其說已定而特爲之異破壞祖業不肖爲甚非同當時孤山淨覺一抑一揚之比也舊系扶宗今故黜之置之雜傳以示家法之在

法師了睿嘉興人號慧月學教有聲久依神智於壽聖秀有士族請神智禱疾師與俱往及歸神智責之曰汝爲純厚吾故攜汝往何爲俗舍左顧右盼師深謝過而已智曰汝豈

永樂北藏

佛祖統紀

有所見邪師密白曰有一女祟在病牀上見師入卽下走人旣擁門乃從壁隙而出不覺顧視如此智曰吾亦見之已而病者愈智旣沒師乃繼其席思溪王氏有女卒請施食河水船不可渡乃道人報令設座於舡前卽船上遙爲咒願中夜一女至船上曰謝師戒法已得超度留鞋一雙忽不見次日王君至船昆五驚曰此亡女入歛時鞋也六法師道因自號草菴四明薛氏視法智座下築法師爲叔祖其孕也母夢衆披幃而入寢而生明發而赴至俗咸知其爲後身云堂右圓相掬之如環足下奇文雙魚宛示十七日

第一九九冊

戒坐夏南湖有問以敬善者徐爲釋之正與
文合識者知其宿習明智居寶雲往學焉已
而徧歷教庠屢參禪室因讀指要鈔深有悟
入初主禪悅直嗣四明草菴錄嗣法云云三
終親近八善知識皆光明禪室五經講堂始
不在彼如水投石此一辨香奉焉延慶第一
代法智尊者用翻法恩然存則人云大遷永
則音旁不肯者無各擊節

明寶雲廣壽治平晚主延慶學徒滿堂乾道
三年四月十七日別徒衆曰華嚴世界洞徹
湛明甚適我懷今將行矣乃今舉所述彌陀
讚曰無邊刹海海涵空海空全是蓮華宮蓮
宮周徧徧空海空海獨露彌陀容阿彌陀佛
不生滅難覓難拈水中月絕非離句如是身

如是感通如是說我與彌陀本不二妄覺落
生忽成異從今掃盡空有塵父子天然兩相
值誓修三福勤六念身口意業無瑕玷我今
以此念彌陀不見彌陀終不厭讚畢隨衆唱
佛數百遍觀經至上品上生即歛念坐亡越
三日頂足皆燬葬全身于祖塔師道貌嚴毅
呈辭辨如瀉有嬰其鋒者謂登龍門嘗著關政
論以正禪人之弊詣行在投宰相秦檜三上
書俱不報遂渡江而歸後秦相閱其書大驚
將見之而師已行居南湖日述輔正解以斥
律人妄解觀經之失其強志爲法若此嘗居
城南草菴因以自號

論曰草菴初學于明智一旦讀指要有著
發而又自謂文繁後身故以辦香奉四明
然四明者羅睺羅也未聞景佛為嗣若草
菴之所承則將兄廣智而孫明智矣豈北
面師事之而反孫之可乎西土二十四祖
金口所宣恐有先後若謂北齊遠東龍樹
此則立觀之始非草菴所當上效故鑽菴
論之曰一家教觀必資傳授豈可紊亂使
失其緒況當時已有高攀九祖遠嗣四明
之誚舊圖系於明智終非草菴之本心新
圖系之四明未免有違於公論今故置之
雜傳亦足以為失緒者之戒云

永樂北藏

佛祖統紀

法師有倫四明王氏受業于小溪壽聖自號
釋菴久依草菴學分座南湖講導有旨晚主
月波學徒說服相庭輩行皆北面受業所居
一室未嘗見其便溺人皆異之或問其故拒
而不答

法師法因自號剎心四明慈溪顧氏學草菴
蓋其旨以與師同名時稱為小因主唐壽三
十年晝夜講演未嘗一日走檀門每施者至
輒踈媿自歎曰比丘之法巧於活命我何人
哉坐奪勤苦之利御而還之不得已受其少
分所居弊陋將新之曰此軀尚無常何事外
物為一日集講侍者報衆赴檀門未四師曰

第一九九冊

虛空諸天正欲聞法何必衆集即擊鼓升座
紹熙四年八月示疾於定中見淨土二菩薩
謂左右曰吾親法華道場與平時所見異甚
吾將行矣即集衆觀經稱佛號留偈端坐
結印而化瘞全身于寺東

薛澄字清卿自號述菴視草菴爲叔嘗從其

聖云

學大明境智之道草菴沒爲文祭之其畧云
嗚呼吾佛明心禪必用教教必用禪如江如
湖流雖不同所鍾一源如日如月時或云殊
所差一天譬以二藥治衆人病所期者瘥奈
何末途兩宗被魔學者泥偏私立位號互爲
矛盾其門必專教而視禪了不相安如針著

檀禪而視教欲割不能如瘻附咽不求其端
教曰我是孰明漸圓惟惟欲聞禪曰我是但
稱別傳兩宗既孤又於其宗派別星懸或本
四明或夸雪川或出白蓮天台微旨浮談淡
語如漂流船或參滌仰或歸雲門或嗣曹川
如來心印上推下墮如顛倒持此勝心教

彼勝心以燕伐燕堂堂我翁能於兩宗洞達
妙玄云云又作草菴忌疏云諸法本空即空成
實至人不死雖死如生安住尊者如日開
氣所鍾前因不殊探戒珠於暇領飛慧劍於
龍門早遊乃於儒林無書不讀晚乘桴於教
海有感皆通云云於道最高裂衣冠而固恤有

觀不決據因圍以須爭見八知識無半語
之相投將一辯會為四明而拈出

佛祖統紀卷第二十一



佛祖統紀卷第二十二

宋景定四明東湖沙門

志磐撰

未詳承嗣傳第八

東陽善慧大士善慧大士

景明道房禪師景明道房

北齊僧稠禪師

北齊李獎侍郎李獎侍郎

天台智瑛法師智瑛法師

金華方巖法師

西京楚金法師

千福秉錫法師

終南法善法師

